

DISTRO AN NEVE-AMZER

87

Klevet a rez-te, er c'hoajo,
An evnedigou lirzin,
Huel-bignet war ar branko,
O kanan hag o c'hoerzin ?

Gwelet a rez-te, er parko,
Ar gliz-noz war ar glazur,
An heol splan en bolz an Névo ?
Holl int zeder, a dra-zur.

Ar pôtr-zaout, 'uz d'an traouieno,
A gan ar zonio neve
Disket gant-an en nozvejo,
'Tal an tan en e goaze.

Ar bleunio, euz ar beureo,
A zav er prajou skedus,
'Vel ma sav stered en Nevo,
'Dal ma ia an heol da guz.

Kaëran ma 'z eo ar beurjeo,
Doare zist 'zo er bla-man :
Dru eo an ed, el liorzo,
Kelo bara 'zo gant-an !

Yan ha Godik, 'korn ar c'hroaz-hent,
'Zo arre en em glevet
Da vont, evel a-diagent,
D'ar pardonio kudennet.

Deut eo arre koulz an nejo :
Yan Grennard euz ar beure,
A distol prim e niselho...
Hag er parko da vale.

Furchal a ra ar c'hoz kleuio,
Ar c'harz, ar balan melen...
Kana 'ra Yann... uo a zo !!
N'ezuz ked ezom d'hen goulen.

Iou !! Na klouar eo an avel !
Nag a c'houez-vad er parko !
Na kaeran eo ma Breiz-Izel !...
Ar gwennili 'zo distro !...

Kan, ha bleunio, ha plijadur !
Sethu Breiz-Izell, hon bro :
Pe ve, gant e zeien c'hlazur,
An amzer-neve distro !!!

Jann Penn-ar-C'hraw.

Mor ar Vezant - 30 Ebrel 1899.